

**NO. SOALAN : 29**

**PEMBERITAHUAN PERTANYAAN DEWAN RAKYAT**

**PERTANYAAN : LISAN**

**DARIPADA : YB. TUAN HAJI AHMAD LAI BIN BUJANG  
[ SIBUTI ]**

**TARIKH : 23 NOVEMBER 2015**

**SOALAN :**

**YB. Tuan Haji Ahmad Lai bin Bujang [ Sibuti ] minta MENTERI PELANCONGAN DAN KEBUDAYAAN menyatakan adakah Kementerian akan meluluskan peruntukan untuk projek pembangunan pelancongan Pantai Bungai, Sibuti bagi meneruskan pembangunan fasa kedua memandangkan Pantai Bungai kini menjadi tarikan pelancong domestik dan luar negara.**

**JAWAPAN : DATO' SERI MOHAMED NAZRI BIN ABDUL AZIZ**  
**MENTERI PELANCONGAN DAN KEBUDAYAAN**

Tuan Yang di-Pertua,

Kementerian Pelancongan dan Kebudayaan sentiasa memberi perhatian ke atas pembangunan infrastruktur di destinasi-destinasi pelancongan di seluruh negara.

Kementerian telah diperuntukkan sebanyak RM5 juta bagi Projek Naiktaraf Kemudahan Pelancongan Di Pantai Bungai, Sibuti, Miri, Sarawak di bawah Peruntukan Khas YAB Timbalan Perdana Menteri. Projek yang telah mula dilaksanakan pada 19 Mac 2014 ini masih didalam kerja-kerja pembinaan terakhir dan dijangka siap sepenuhnya pada akhir tahun 2015.

Kementerian ini bersedia menerima dan menilai sebarang permohonan untuk projek pembangunan pelancongan di Pantai Bungai, Sibuti fasa II bagi tempoh Rancangan Malaysia Ke Sebelas (RMKe-11). Walau bagaimanapun, kajian keberkesanan dan penilaian *outcome* projek fasa I perlu dilaksanakan sebelum cadangan projek fasa II dapat dipertimbangkan.

Selain itu, Kementerian Pelancongan dan Kebudayaan juga memohon kerjasama Pihak Berkuasa Tempatan untuk memastikan projek-projek Kerajaan Persekutuan yang telah siap dibina dan diserahkan dapat diselenggara dengan baik secara berjadual untuk memastikan kemudahan tersebut dapat digunakan dan dimanfaatkan oleh para pelancong dan pengunjung secara optimum.

Sekian, terima kasih.